



Bosnia and Herzegovina  
Federation of Bosnia and Herzegovina  
**CANTON SARAJEVO**  
**Cantonal Civil Protection Administration**  
**Operational Center**

Broj: 04-40-1-206/21  
Sarajevo, 26.07.2021. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

### **REDOVNI IZVJEŠTAJ**

**za period od 08:30 sati 23.07.2021. do 08:30 sati 26.07.2021. godine**

U izvještajnom periodu Kantonalni operativni centar civilne zaštite primio je jednu informaciju o pronalasku NUS-a i to dana 23.07.2021. godine u 14:35 sati, od Policijske stanice Ilidža, da je na lokalitetu Stojčevac pronađena jedna minobacačka mina.

O primljenoj informaciji obaviješteni su pripadnici Tima za UES Federalne uprave civilne zaštite, koji će navedeno neeksplozirano ubojno sredstvo preuzeti u narednom periodu.

Kantonalni operativni centar civilne zaštite je dana 24.07.2021.godine u 17:18 sati primio informaciju od Policijske stanice Trnovo da je na lokaciji Kotlovi ( Bjelašnica) izgubljen planinar sa djetetom. Dežurni u Kantonalnom operativnom centru civilne zaštite u skladu sa propisanim procedurama, odmah je obavijestio Službu za spašavanje iz lavina, potrage i spašavanja na vodi i pod vodom. U 18:55 sati, od iste Službe, dobili smo informaciju da su izgubljeni planinar sa djetetom pronađeni, malo dezorijentisani bez povreda.

**Kantonalna uprava civilne zaštite Kantona Sarajevo:** Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 15 (petnaest) manjih intervencija i to: četiri na gašenju smeća u kontejnerima, šest na gašenju zapaljene trave i niskog rastinja, dvije intervencije na gašenju manjih požara u stambenim objektima, jedna intervencija na gašenju zapaljne šupe, jedna tehnička intervencija na otvaranju zaglavljanih vrata na stambenom objektu i jedna tehničku intervenciju (asistencija preduzeću KJKP Park prilikom rezanja stabla).



**NAPOMENA:** U protekla 24 sata pripadnici Profesionalne vatrogasne jedinice Kantonalne uprave civilne zaštite Kantona Sarajevo imali su 11 (jedanaest) manjih intervencija i to: pet intervencija na gašenju zapaljene trave i niskog rastinja, dvije na gašenju zapaljenog smeća u kontejneru, dvije intervencije na gašenju manjih požara u stambenim objektima, jedna intervencija na gašenju zapaljne šupe i jedna tehnička intervencija na otvaranju zaglavljenih vrata na stambenom objektu.

**Iz općinskih operativnih centara civilne zaštite s područja Kantona Sarajevo, kao i od drugih davalaca informacija** nisu dobijene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

**Elektro distribucija Sarajevo:** Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

**KJKP Sarajevogas:** Svi potrošači u Kantonu Sarajevo su uredno snabdjeveni prirodnim gasom.

**KJKP Vodovod i kanalizacija:** Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

**Federalni hidrometeorološki zavod:** Jutros u 08:00 sati temperatura u Sarajevu na mjernoj stanici Bjelave je iznosila 22°C, vlažnost zraka 55%, barometarski pritisak 943,8 hPa.

**BIHAMK:** Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA  
ŠEF CENTRA  
**Fahrudin Pribišić**

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>  
e-mail: [oc@kucz.ks.gov.ba](mailto:oc@kucz.ks.gov.ba)  
Tel: + 387 (0) 33 121, 556-670  
Fax: + 387 (0) 33 556-671  
Sarajevo, Reisa Džemaludina Čauševića 1